



Broj: 12-30-971-1/22
Sarajevo, 5. 4. 2022. godine

Na osnovu člana 21. stav 1. i člana 27. Zakona o reviziji institucija u Federaciji Bosne i Hercegovine („Službene novine Federacije BiH“, broj: 22/06) i Odluke generalnog revizora Ureda za reviziju institucija u Federaciji Bosne i Hercegovine, broj: 12-30-971/22 od 5. 4. 2022. godine, raspisuje se

JAVNI POZIV

za angažovanje ovlaštenog revizora za finansijsku reviziju u 2022. godini

I

Ured za reviziju institucija u Federaciji Bosne i Hercegovine (u daljem tekstu: Ured za reviziju) raspisuje Javni poziv za angažovanje ovlaštenog revizora za finansijsku reviziju u 2022. godini, odnosno za obavljanje revizije finansijskih izvještaja u skladu sa Zakonom o reviziji, INTOSAI revizijskim standardima i revizijskim standardima Međunarodne Federacije računovođa (IFAC).

II

Angažman se vrši na osnovu Zakona o reviziji institucija u FBiH, Limske deklaracije o smjernicama za pravila revizije (ISSAI 1), INTOSAI-jevog Okvira profesionalnih objava i Međunarodnog revizijskog standarda 620 - Korištenje rada revizorovog eksperta, s ciljem ispomoći pri reviziji i pribavljanja dovoljno adekvatnih revizijskih dokaza.

III

Angažman ovlaštenog revizora sa Evidencije vršit će se povremeno, u skladu sa potrebama Ureda za reviziju u 2022. godini. Prava i obaveze, kao i vrsta, djelokrug i ciljevi rada lica koja se angažuju u svojstvu stručnjaka - ovlaštenog revizora, bliže će se regulisati ugovorom o angažovanju (ugovor o djelu), u skladu sa internim aktima Ureda za reviziju. Angažovani revizori će biti dužni poštivati Etički kodeks Ureda za reviziju, broj: 01-02-41/2017 od 16. 1. 2017. godine i čuvati povjerljive informacije

IV

Pravo prijave na Javni poziv imaju lica:

- koja posjeduju VSS - VII stepen stručne spreme, odnosno visoko obrazovanje po Bolonjskom sistemu studiranja sa najmanje ostvarenih 240 ECTS bodova, ekonomski fakultet;
- koja posjeduju najmanje 5 godina radnog iskustva na poslovima finansijske revizije;
- certifikat ovlaštenog revizora.

V

Za prijavu na Javni poziv, zainteresirana lica su dužna priložiti:

- biografiju koja obavezno sadrži informacije o obrazovanju, radnom iskustvu i druge relevantne podatke.
- diplomu o završenom studiju na ekonomskom fakultetu (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 6. 4. 1992. godine), odnosno, za kandidate koji su visoko obrazovanje stekli po Bolonjskom procesu, uz univerzitetsku diplomu priložiti i dodatak diplomi. Izuzetno, samo u slučaju da visokoškolska ustanova dodatak diplomi nije izdavala niti za jednog diplomca, kandidat je dužan uz ovjerenu kopiju univerzitetske [diplome](#) dostaviti uvjerenje visokoškolske ustanove da dodatak diplomi nije izdat ni za jednog diplomca;
- uvjerenje o radnom iskustvu;

Napomena: Uvjerenje treba da sadrži opis i vrstu poslova koji su obavljani u periodu od najmanje pet godina na poslovima finansijske revizije.
- certifikat ovlaštenog revizora.

VI

Sve potpune i blagovremeno podnesene prijave će se uzeti u razmatranje, te će se obaviti razgovor sa zainteresiranim licima.

Izabrani revizori dužni su dostaviti uvjerenje da nisu pravomoćno osuđeni na kaznu zatvora za krivična djela sa izuzetkom krivičnih djela protiv sigurnosti u saobraćaju u skladu sa Krivičnim zakonom, izdato od nadležnog ministarstva unutrašnjih poslova.

Neće se uzeti u razmatranje prijave kandidata koji su zaposleni ili koji imaju određeni anagažman u subjektima iz člana 11. Zakona o reviziji institucija u Federaciji Bosne i Hercegovine ("Službene novine FBiH", broj: 22/06).

Nakon okončane procedure Ured za reviziju će uspostaviti Evidenciju ovlaštenih revizora za finansijsku reviziju.

VII

Sažetak Javnog poziva objavljuje se u dnevnim novinama „Oslobođenje“, „Večernji list“ i „Dnevni avaz“, a cjeloviti tekst Javnog poziva objavljuje se na web-stranici Ureda za reviziju institucija u Federaciji BiH: www.vrifbih.ba.

Prijavu na ovaj Javni poziv, sa svim potrebnim dokumentima dostaviti najkasnije u roku od 15 dana, od dana posljednje objave ovog Javnog poziva, lično ili preporučenom poštom, na adresu:

„Ured za reviziju institucija u Federaciji Bosne i Hercegovine“
Ul. Ložionička br. 3,
71000 Sarajevo

Na koverti sa prijavom obavezno naznačiti: „Prijava na javni poziv - ne otvarati“. Na poleđini koverta navesti ime i prezime podnosioca, adresu i kontakt telefon. Nepotpune, neuredne i neblagovremene prijave neće se razmatrati.

URED ZA REVIZIJU INSTITUCIJA U FEDERACIJI BOSNE I HERCEGOVINE